



河頭

發源於大鬼湖附近遙拜山个隘寮溪，在水門莊脣對山頂流出來，發風搓時河壩水泡花作浪，平時河水鏡鮮係蔭田坵个好水源，山高水急个溪水，老百姓又惱又惜。東北岸係大山脈，層層疊疊，一山高過一山，西南片係爽平个屏東平洋，良田連綿歸百里，本旦百零米闊个隘寮溪河路，流向屏東來，莊民安到「河頭」。

清朝尾，隘寮溪發大水，在西瓜園莊个河頭崩到大壩闊，咁个河壩水向西南流入武洛溪、番仔寮溪，向南片踎著麟洛河、龍頸溪洋洋洋洋打對六堆客莊來，尤其內埔、竹田地區分大水浸到盍盍咭咭。老一輩人講該下仔做大水時，歇較低窪个所在，愛跋上屋頂屏，該央時三股有兩股个人家都歇穿鑿茅寮屋，大水來地屋仔分水扛起來，在水頂漂漂滂滂，蓋得人驚，連內埔昌黎祠个屋頂高乜屏地蓋多人。大水過後，各家各戶个井頭裡肚，乜屏地蓋多魚仔，有兜人對井肚釣到大鯉鱖、鱸鰻。內埔莊崇文巷這條老街，係發大水時个韌水角，水退過後歸條巷仔都係粉沙泥，有兩三尺賁，故所崇文巷又安到「沙留街」。

日治末期，隘寮溪開始作礮，將隘寮溪水挑工堵向西北流入荖濃溪，兩條河壩合水後安作下淡水河(高屏溪)。河頭毋見忒咧，變成一條三過土攞大石牯結成个「昌基大礮」，礮嵌改變地屏東平洋个生態環境，本成有流水个隘寮溪河床，嘎變無水个燥溪。這兜礮礮砑砑个砂埔地，錫來歇北部山頂个客家人徙來開墾，建立幾下莊頭純「台北莊」，有河壩寮、上寮、下寮，連海陸腔、饒平腔乜聽地著。退伍軍人輔導會設个大同農場，安頓該兜外省籍个退伍軍人，分佢等去種作謀生。

頭擺仔隘寮溪水踎龍頸溪，流到竹田糶糶莊个達達港，再流入東港溪，對大陸載日常用品來竹田个大船，做得對東港駛入達達港下貨，續等載米穀轉大陸去賣。船仔載貨來來去去，貨物上上下下，愛蓋闊个場所來頓放物品，故所東港溪脣个竹南村，理所當然變成頓物莊。有流入隘寮溪水，達達港港闊水深，係六堆同原鄉个船運中心。今下隘寮溪水斷奶嘴咧，龍頸溪變成排水圳，達達港水淺咧，今嘎係牛仔搵浴个牛搵湖，看著落寞个達達港，就使人懷念隘寮溪水。

農家人正月份个春耕，到三、四月份个旱水期，地下水使用量較大，今嘎馬達不時打空轉、抽無水。係講當初个先賢，莫好恬恬地將隘寮河壩水堵走，本本流對六堆來，將心力用在原來个圳溝整治，今晡日个六堆鄉鎮，毋單淨有靚靚个隘寮溪好看，還有過足个地下水好用。

作者：李得福

☆詞彙學習☆

- | | |
|--------------------------------------|------------------------------------|
| 【刨花作浪】pauˊ faˊ zɔŋˊ long：水洶湧的樣子。 | 【漂漂滂滂】peuˊ peuˊ pang pang：漂浮。 |
| 【渥汶】gug vunˊ：混濁。 | 【韌水角】ngiun suiˊ gɔŋˊ：水行較慢或轉彎處的緩水區。 |
| 【洋洋洋洋】iongˊ iongˊ iong iong：水流盛大的樣子。 | 【三過土】samˊ go tuˊ：混凝土。 |
| 【盍盍汨汨】angˊ angˊ gud gud：載浮載沉。被淹。 | 【礮礮砑砑】lid lid kid kid：貧瘠不適耕作。 |